

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DO ROSAL PARA A EXECUCIÓN DO PROXECTO “MELLORA DA MOBILIDADE PEONIL NA EP 3303 TABAGÓN- GOIÁN DENDE O P.Q. 1+795 ATA O P.Q. 3+600. TREITO II (CONCELLO DO ROSAL)”.

INTERVEÑEN

A Sra. María del Carmen Silva Rego, na súa condición de presidenta da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do réxime local.

A Sra. Ánxela Fernández Callís, alcaldesa do Concello do Rosal, actuando en virtude das facultades que lle atribúe o artigo 21.1.b) da Lei 7/1985, de 2 de abril, reguladora das bases do réxime local.

Da fe do acto o Sr. D. Carlos Cuadrado Romay, secretario xeral da Deputación Provincial de Pontevedra.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público, 57 da Lei 7/85, de 2 de abril, reguladora das bases do réxime local e 198 e seguintes da Lei 5/97, de 22 de xullo, de Administración local de Galicia.

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 da Lei 7/85, de 2 de abril, reguladora das bases de réxime local. Por ese motivo, o organismo provincial quere levar a cabo intervencións neste senso no seu propio viario e está a facer unha replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario



seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración local de Galicia, os municipios deberán prestar ós seus cidadáns, determinados servizos públicos en función da súa poboación.

IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

V.- A Deputación de Pontevedra é titular da Estrada Provincial E.P. 3303 Tabagón - Goián, que transcorre polo Concello do Rosal e que ten unha lonxitude de 4.542 m.

VI.- Que foi licitado e atópase en execución a mellora do treito inicial (treito I) da antedita estrada que discorre polo Concello do Rosal. O treito que se atopa entre o P.Q. 1+795 e o P.Q. 3+600 está construído con características vinculadas ao uso de vehículos, imposibilitando que, en moitos puntos, o uso peonil se poida realizar con plenas condicións de seguridade. Por este motivo a Deputación de Pontevedra elaborou o proxecto de "Mellora da mobilidade peonil na EP 3303 Tabagón- Goián dende o P.Q. 1+795 ata o P.Q. 3+600. Treito II (Concello de O Rosal)" co cal se pretende mellorar a comunicación entre os núcleos rurais de Tabagón e das Eiras e ata Goián dando continuidade o treito I, actualmente en execución, contribuíndo a fomentar a vida rural e mellorando as súas posibilidades de comunicación dun xeito sostible, potenciando o uso da bicicleta como alternativa aos automóviles privados.

VII.- O proxecto resólvese coa modificación da sección da estrada e a creación dun carril peonil e ciclista. Ademais instalaranse redutores de velocidade, renovarase a rede de drenaxe existente e executarase a canalización soterrada para a futura renovación da rede de alumeadado público. No entorno da igrexa parroquial das Eiras, debido a existencia dunha zona estreita, executarase unha plataforma continua de formigón nunha única rasante compartida para automóviles, peóns e bicicletas con prioridade peonil.



VIII.- Con fundamento en canto queda exposto, e sendo patente a vontade de colaboración das Entidades comparecentes, ámbalas dúas partes acordan a subscrición do presente convenio, consonte ás seguintes:

CLÁUSULAS

Primeira.- Obxecto:

O obxecto do presente convenio é o establecemento das condicións que rexerán a colaboración entre a Deputación de Pontevedra e o Concello do Rosal para a execución do proxecto de "Mellora da mobilidade peonil na EP 3303 Tabagón- Goián dende o P.Q. 1+795 ata o P.Q. 3+600. Treito II)".

Segunda.- Importe:

O importe o que se refire a presente actuación ascende a seiscentos cincuenta e sete mil setecentos corenta e cinco euros con cincuenta e cinco céntimos (657.745,55 €) e cento trinta e oito mil cento vinte e seis euros con cincuenta e sete céntimos (138.126,57 €) en concepto de IVE, o que ascende a un orzamento total de setecentos noventa e cinco mil oitocentos setenta e dous euros con doce céntimos (795.872,12 €).

Terceira.- Financiamento:

Os investimentos necesarios para a realización das mencionadas obras serán financiados pola Deputación de Pontevedra e Concello de O Rosal mediante a achega das cantidades relacionadas de seguido:

	Achega	%
Deputación de Pontevedra	636.697,70 €	80
Concello do Rosal	159.174,42 €	20
TOTAL INVESTIMENTO	795.872,12 €	100

A Deputación financiará a súa achega de 636.697,70 € con cargo á aplicación 22/456.4530.612.02.2021 do Orzamento Provincial do ano 2022.

A achega do Concello do Rosal será de 159.174,42 € (20% do importe das obras), pola que se xerará crédito na correspondente aplicación orzamentaria, se realizará mediante compromiso de consignación no respectivo orzamento co medio de financiamento que se considere máis axeitado á situación financeira do Concello.



O importe da achega do Concello financiado con fondos propios deberá selle ingresar á Deputación no primeiro trimestre do exercicio correspondente ou a data de formalización do convenio.

De selo o caso de que se financie a cargo da subvención do Plan Concellos, xerárase crédito na aplicación orzamentaria que corresponda. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello do Rosal.

Estas operacións deberán efectuarse, unha vez aprobado o convenio, e antes de aprobar o expediente de contratación correspondente por parte da Deputación de Pontevedra, debendo acreditarse naquel a plena dispoñibilidade de todas as achegas, tendo en conta o disposto no artigo 116.5 da LCSP.

Os demais gastos derivados desta actuación, tales como redacción do proxecto, recuamento de servizos e os contratos de servizo accesorios para a dirección control e seguimento da execución de obras, serán financiados pola Deputación de Pontevedra.

Cuarta.- Incidencias no desenvolvemento da obra:

Calquera incidencia que poida xurdir no desenvolvemento das obras, por causas imprevistas e que obriguen a unha modificación do proxecto e se produza un incremento do custo, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do concello sexa con cargo a fondos propios, será devolta a cantidade sobrante.

Quinta.- Obrigas do Concello:

O Concello do Rosal obrígase a:

- 1) Obter as correspondentes licenzas e tramitar ante outros organismos as autorizacións pertinentes que fosen precisas.
- 2) Levar a cabo a conservación e mantemento dos servizos urbanos obxecto do Convenio (zonas de convivencia, mobiliario urbano, iluminación, etc.), logo da comunicación da Deputación de Pontevedra de finalización das obras.
- 3) Antes da sinatura do presente convenio, o Concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do réxime local, á que fai referencia o apartado 2 anterior.
- 4) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.



Sexta.- Obrigas da Deputación Provincial de Pontevedra:

- 1) Correspóndelle a redacción do proxecto técnico para a execución das obras obxecto deste convenio.
- 2) Correspóndelle a licitación, dirección, execución e recepción das obras.
- 3) Unha vez realizado o acto formal de recepción das obras pola Deputación de Pontevedra, esta porao en coñecemento do Concello do Rosal, entendéndose que tal comunicación determina o nacemento da obriga asumida polo Concello na cláusula quinta 2) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.
- 4) Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de réxime xurídico do sector público e da súa normativa de desenvolvemento.

Sétima.- Compensación de débedas:

O Concello do Rosal faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.

Oitava.- Comisión de seguimento e control:

Para o seguimento e control do cumprimento do presente convenio, así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, a alcaldesa ou persoas nas que deleguen, o secretario da Deputación de Pontevedra ou persoa na que delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, propoñendo as actuacións que se consideren precisas.
- Propoñer a interpretación, en caso de dúbida, do contido do mesmo.
- En caso de que xurdiran controversias na aplicación do convenio, propoñer ás partes a resolución das mesmas.

Esta comisión reunirse dentro do prazo de tres días, a contar dende a petición expresa realizada por calquera delas.

Novena.- Vixencia do convenio:

O presente convenio entrará en vigor na data da súa sinatura e terá vixencia ata o remate das obras obxecto do convenio, en todo caso ata o 31 de decembro de 2023.



A vixencia do presente convenio poderá prorrogarse coa conformidade expresa das partes intervenientes.

Décima.- Resolución:

Serán causas de resolución o incumprimento das obrigas derivadas deste convenio de conformidade co disposto na normativa vixente.

Undécima.- Normativa aplicable.

O presente convenio ten natureza administrativa, rexéndose polas cláusulas establecidas e:

- Lei 7/1985, de 2 de abril, de bases de réxime local
- Lei 5/97, de 22 de xullo, da Administración local de Galicia
- Lei 40/2015, de 1 de outubro, de réxime xurídico do sector público
- Bases reguladoras da execución do orzamento da Deputación de Pontevedra para o exercicio 2022.
- E demais normativa de obrigado cumprimento.

Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do Convenio.

E en proba de canto antecede, as partes que interveñen asinan electrónicamente o presente convenio.